

ҚАЗАҚ



ӘЛ-ФАРАБИ АТЫНДАҒЫ ҚАЗАҚ ҰЛТТЫҚ УНИВЕРСИТЕТІ

№12 (1682)
3 сәуір
2018 жыл

УНИВЕРСИТЕТІ

Апталық 1948 жылдың 20 сәуірінен шыға бастады

www.kaznu.kz

ҚАЗҰУ-ДА COMSATS ҰЙЫМЫНЫҢ КЕҢЕСІ ӨТТІ

Жоғары талап – жетістік кілті

Кезекті ректорат жиналысы бірінші проректор Мұхамбетқали Бүркітбаевтың жағымды жаңалығымен басталды.

Мұхамбетқали Бүркітбаев әлемдік QS Stars зерттеуі нәтижесі бойынша ҚазҰУ-дың «4 жұлдыздық» дәрежеге ие болғанын хабарлады. Аталмыш халықаралық рейтингтік жүйе университеттерге 0-ден +5-ке дейінгі QS «жұлдызын» беруді бірнеше талаптар бойынша жүзеге асырады.

Жалғасы 2-бетте

Бәрі де ел ертеңі үшін!


Әл-Фараби атындағы ҚазҰУ студенттері «Жас Отан» жастар қанатының IV съезіне онлайн трансляция арқылы қосылды.

Мемлекеттік хатшы Гүлшара Әбдіқалықова съездің жұмысын



Болашақ тарихшылар сынға түсті

Білім мен ғылымның қара шаңырағы әл-Фараби атындағы Қазақ ұлттық университетінің тарих, археология және этнология факультетінде «Қазақстан тарихы және дүние жүзі тарихы пәндері» бойынша оқушылар арасындағы республикалық олимпиаданың финалдық кезеңі өтті.



Олимпиаданың салтанатты ашылу рәсімінде қатысушыларға кәсіптік бағдар беру бағытталған жұмыстар жүргізіліп, факультеттің белді профессорлары Әбдеш Төлеубаев, Берекет Кәрібаев көшбасшылық дәріс оқыды. Сонымен қатар шара аясында оқушыларды қара шаңырақпен кеңінен таныстыру мақсатында университет музейлері, Әл-Фараби кітапханасы және «Керемет» студенттерге қызмет көрсету орталығына саяхат жасалды.

Жалпы саны 462 оқушы қатысқан олимпиаданың іріктеу турына еліміздің барлық аймағынан 37 оқушы қатысып, өз білімдері мен заманауи біліктіліктерін көрсетті. Жарысқа ұсынылған жұмыстар ғылыми сапасының жоғары болуымен ерекшеленіп, есте қалды. Мемлекет басшысының «Болашаққа бағдар: рухани жаңғыру» атты мақаласы аясында орындалған жұмыстардың мектеп оқушылары тарапынан жоғары қызығушылықпен орындалғандығына үш секция бағытында қорғалған ғылыми жұмыстар нәтижесінде көз жеткіздік. Қатысушылар өздерінің

ғылымға, ел тарихына деген ойларын білдіріп, салиқалы пікір, батыл шешімдер айта білетін ұрпақтың өсіп келе жатқандығын байқатты. Қойнауы тарих қазақ жерінің болашақта туризм орталығына айналуын, экономикасы көркейген мемлекет болуын бала жүрегімен аңсаған олимпиада қатысушылары олимпиаданың марапаттау рәсімінде ең үздік ғылыми жоба және жүлделі орындарға ие болып, бағалы сыйлықтармен марапатталды.

Келген қонақтарды құшақ жая қарсы алған факультет ұстаздары мен студенттері мектеп қабырғасында болашаққа тандау жасауда толқып отырған оқушыларға өмір атты бәйгеде қашанда озат болуларына шын ықыластарын білдірді. Өмірлеріндегі маңызды шешім қабылдар тұста өткізілген бұл олимпиаданың мамандық тандау мәселесінде өз септігін тигізері анық.

М.Қ. ДАУЫТБЕКОВА,
тарих, археология және этнология
факультеті деканының оқу-әдістемелік және
тәрбие жұмыстары жөніндегі орынбасары